

小倉山房詩集

新式
標點
足本
隨園全集

杜就田署



小倉山房詩集 卷二十三 壬辰癸巳

錢唐袁枚子才

元日送王葑亭舍人入都

今年元日春風來一何遽？不吹梅花開，翻吹故人去。故人當代王江寧，清才落筆鏗威英，贈余四首新詩成，滿山歷落珍珠鳴。山人平生狂頗頗，海內孤行我爲我。忽然顰蹙見替人，自覺此身老亦可。花慢曲，采菱歌，與君唐唱何其多。方擬雲龍相逐不可一朝隔，而乃烟帆欲別將如何？思君情難裁，留君口難說。敢貪風月有吟朋，不使鳳鸞朝玉闕。滔滔江兮蕭蕭馬，送君行兮往。日下喜青雲之路長，傷白頭之交寡。餞君無酒空有詩，要君展卷長相思。彤廷奏罷三千牘，早折瓊林柳一枝。

再詠錢

殺人何必定銀錢？以刀名即巧屠。繞地枉教呼

阿堵，此身方且屬洪爐。錙銖潤物皆爲德，百萬貽人轉笑愚。寄語鐵鑿書壁者，可會悟得此情無？從無束紵受人憐，別有金刀灘五千。天寶洗兒悲白髮，景龍撒帳憶青年。水衡小靳山資足，銀艾雖枯荇蕕鮮。底事從容泔粃穢，不會一勺飲食泉。

集尹文端公贈詩卷然如束笋感而有作

三年人未釋心喪，展卷重看墨萬行。偷得公餘吟雅頌，生來天性愛文章。龍蛇字在蘭亭杏，絲竹聲希孔壁荒。苦把碧紗籠不盡，又熏香草壘空箱。

再檢海內諸公投贈之作得一千九百餘首亦紀以詩

忽忽名場四十年，珠盤幾度捧賓筵？隻身龍荷詩
千首，八表雲停水一天。猿鶴易招詞客詠，容華難得別
人憐。何當妙寫研光紙，排作屏風障兩邊？

曹地山少宰爲祭告使者八山索詩

花外金鉦響，山中鳥雀奔。隣驚天使至，我愛故人
尊。澤國持英蕩，皇華詠駟騶。是誰能典禮？有詔許乘
軒。馬借飛龍旂，旗張元武旂。官銜唐吏部，寵眷漢公孫。
艷艷春三月，彭彭朱兩轡。亭公腰插弩，郡將手扶轡。路
築王人館，庭羅小國繫。一梟先破鏡，三屹再開樽。蒼壁
尼山數，金泥岱頂捫。咨詢盡臣職，得句亦君恩。爲主明
陵祭，還來白下村。鶯花都識面，桃李半趨門。石可三生
認，才經幾度掄？公一督學一主試。望塵思御李，訪舊忽推
袁。鬚髮同驚白，滄桑各斷魂。雲泥情脈脈，雞黍話番番。
可記瓊瑤贈，應無綺紵存。西賓公過江甯，蒙賜石印以東，綴報
之。八驕齊放仗，四牡走親園。小吏穿雲立，材官折柳蹲。
摩挲銅狄古，敷坐石牀溫。索我新詩贈，知公古道敦。自

慚才語盡，難共達官論。努力廉頗飯，公等健飯。每日十篇，休
忘安石墩。他時憶鴻爪，展卷卽泥痕。

謝書巢太守贈羊裘

我自黑貂敝，便作青山遊。山中朔風時，詩骨寒飈
颼。東昌太守賢，遠寄三英裘。慮我高臥僧，牛衣淚暗流。
得毋釣澤中，少人物色不特加尺素書。星飛千里郵，其
色白如霜。稱我雪滿頭，其辭深而溫。勝於姪女柔，我乃
招緼人，配以朝霞絢。絨衽一以畢，吃吃笑不休。我本陰
重客，而兼陽虛侯。常苦勲電累，敵寒如敵仇。忽然毛羽
豐，堅冰吾何憂。縱與狐貉立，不忤亦不求。曹交九尺身，
晏子三十秋。俱蒙使君管，春風生衣襟。昔者輕裘其聖
門，稱仲由。又聞曹夫人，官綿貽楊彪。較此將毋同，高情
尤綢繆。報君無寸芹，勉君敢一謳。願持羔羊節，善把魯
民鳩。願推白傅心，長裘覆九州。會見五穀相，賢名重山
邱。

湘山子四十歲索詩

道藝無三理，所貴非名高。苟能息之深，神解同超超。
延陵湘山子，風骨含孤標。身爲孔顏徒，庠序推英髦。
更兼岐扁術，湯液回枯焦。我有小妻疾，尸厥形神消。自
分無生理，巫祝紛喧囂。君能奪之還，白日走夔魍。我又
偶病臂，徹夜常呼暴。君來排羣醫，道此非虛枵。但使氣
宣流，脈絡當自交。果然勿藥喜，援網如生獐。今年君四
旬，華堂介春醪。寄聲索我詩，一曲當雲璈。且曰：「勿言
醫，醫恐庸人嘲。」我乃大嘔噓，所見何拘膠。昔者女媧，
氏醫天將石敲，更有軒皇來，醫地斷六鰲。義和能醫歲，
陰陽四序調。夏禹能醫水，民居輟窟巢。堯舜醫盛世，
風吹鬱陶湯武醫衰世。太白揚旌旄，周孔醫萬世。烝烝
文治昭，醫目必伐鼓。醫山必焚樵，醫喝必藏冰。醫瘵必
登蛟。古之大神聖，誰非醫中豪。而況岐扁術，其權勝變
卑。變卑不遇時，窘束無寸勞。岐扁縱賤貧，觸手皆恩膏。
不見無且囊，猶臧荆軻刀。所慮偶失之，常射不中招。九
折臂易耐，十全功難要。喜君正盛年，嶽嶽而罵罵。清嘔
察癥結，孤詣通烟霄。診脈如鑄鼎，神姦無遁逃。難經八

十篇，分寸釐忽毫。一一學巧屠，骨節俱搜牢。用藥如用
兵，決戰鬼門關。本草三千味，播引毒熨燒。運用得所宜，
何敵不可梟。從此再精進，析理窮牛毛。仁術本仁心，勿
吝更勿驕。濃濃黃土人，誰非吾同胞。四十尙如此，五十
寧可料。神農且仰企，化人且遊遨。人壽君所與，君壽天
難操。笑彼東方生，踉蹌促儉蟠桃。

三月六日夢尹文端公

已絕人天路不通，無端昨夜坐春風。雖離燕寢清
香在，款款慈雲笑語同。白髮三更紅燭短，黃雞一唱絳
帷空。莫嫌夢境迷茫甚，到底今生又見公。

答似村見寄

一章詩抵萬瓊琚，雖誦風前恨有餘。遶左雁行齊
返否，相公馬鬣近何如。山公子新製春，花又落同眠
榻。秋雨還沉隔歲書。去年所寄輓章，猶未接到，甚矣吾衰君
莫問，鬢絲兼不似當初。

聞樹齋提督九門喜賀以詩

郎君官拜執金吾，野老風聞膽亦竄。九扇天門新
管領，六街赤棒正傳呼。那須當戶夸封爵，如此司閹信
丈夫。料得心閒還戲問，妾妻兼得麗華無。

以竹葉粽餉客分賦一詩

山裏行廚事事新，楚臣遺製更清芬。承筐擬造青
糰飯，采葉剛逢孤竹君。五月端陽菱共小，一章華黍笛
先聞。諸公應笑便便腹，不嚼紅霞嚼綠雲。

尤貢父以歡喜團見餉再與諸客分賦

蒙贈吳王珠滿盤，離離饌出水精盤。耳邊歡喜名
先好，世上團圓物亦難。亞飯宛同雲子白，賞花宜對繡
絳看。嫦娥似闌如規影，柳外吹來月一九。

三伏

空山三伏，悶悶暑衫著輕容汗有餘。却喜炎風斷
來客，日長添著幾行書。

謝南浦太守贈芙蓉汗衫雨前茶葉

夫容裳賜野人家，當作吹綸敢拜嘉。周勃水敦無
浹背，西施何必浣輕紗。解襦粒粒珠猶濕，裏甲層層暑
不加。吩咐柔荑好裁剪，晚風披看白蓮花。四銀鰕鎖
碧雲英，穀雨旗槍最有名。嫩綠忍將茗碗試，清香先向
齒牙生。書交柏葉仙人寄，味比江城太守清。好色相如
最消渴，被公知道舊風情。

七夕後三日尙衣局寅公過訪山中

賦詩奉餉

肯移八座訪牆東，雲外旌旗柳外紅。涼意帶來車
上雨，香心同對藕花風。彈棋子響千峯上，論事情深一
笑中。忘是尊官忘是客，杯盤草草竟留公。

贈李郎

郎爲尹文端公從者，別七年矣。入山感舊，與至書舍，檢文端公手迹，皆郎當年所持來者。於邑不已，因口號三絕句贈之。

未入門先兩眼紅，知卿感舊意忡忡。十年重到前遊處，可是山中是夢中。風臺月榭幾回新，世事滄桑那可論。一個漁郎比前老，桃花相見也消魂。上相當年賜和章，是誰騎馬替傳將。而今同啓紗籠看，一紙雲烟淚萬行。

例有所避將遷滁州留別隨園四首

不教朱邑祀桐鄉，看過梅花使束裝。頗似神仙逢小劫，敢同佛子戀空桑。葛洪行具書千卷，顧凱雲烟畫一箱。泛宅浮家隨處好，只憐白髮有高堂。小築隨園事偶然，風光冉冉竟華顛。池開平地都成浪，手插楊枝半拂天。九曲房櫳雲宛轉，三春士女影翩跹。生憎一片桃花水，留住漁郎二十年。故鄉回首夕陽斜，擬賦歸歎百事差。西子湖邊無瓦屑，醉翁亭下有桑麻。休移銅

狄先垂淚，拚捨河陽再種花。仙鶴郊迎鸞鷟送，詩人從古愛遷家。搖鞭不待管絃終，此意分明達者同。去住我原羈旅客，湖山誰是主人翁。看花有福三生定，成佛無難一念空。吩咐青溪江令宅，年年管領託春風。

送李竹溪太守還河間

木正清霜水正波，故人白髮走關河。官雖捨去留名耳，別亦無妨奈老何。班馬長鳴還小住，河梁同上各悲歌。九原泉路交期在，切莫臨風涕淚多。

和簡齋同年送行韻

奮身炎海出風波，重訪園林泊上河。舟泊上河君是傳人原不朽，我將終老定如何。相看白首應初服，便對青山大放歌。留得此身強健在，管教後會比今多。

遷滁不果

人。

欲去重回棹，還山又看春。想緣因果在，前世六朝

夢醒

羣靈更何促？沉沉夜未央。金燈紅漸淡，也算小斜

陽。

晚菊和蕉泉觀察韻

千紅萬紫盡飄流，開到寒花歲已周。晚節不嫌知
已少；香心如爲故人留。影搖落葉東籬短，簾捲西風小
室幽。白髮淵明誰作伴？一枝黃雪滿庭秋。斷霞殘月
兩相妨，最易輕烟澹澹妝。九曲燈屏難寫照，一生骨風
不知霜。性甘寂寞香纔久，夢醒繁華壽更长。收取落英
充晚膳，山妻早製鎖雲囊。

程南耕八十歲索詩

江城深處有神仙，客罷公侯隱一廛。口嚼紅霞年

八十手編青史卷三千。先生修明史耳聰，不妨耳冷人間
事。原自心遊物外天，知道賓王諸奏稿，早隨寶唾付雲
烟。野人廿載賦閒居，得接芳鄰慶有餘。見面預安雙
管筆，每相見以筆代口。焚香常捧一函書，黃梅照酒香雖
冷，霞管飛灰日漸舒。豈獨添籌兼問訊，啓期三樂更何
如？

戊寅春失玉履一隻己卯秋得之賦

詩紀事今冬又失去

會續鸞膠十五年，者番重別更飄然。想因刻作雙
鳧樣，故爾長飛小雪天。去似逃奴偏結伴，履外兼失敦臨
九件。住非丹犬竟成仙。老夫一笑渾閒事，何處麻鞋不
踏烟？

席上贈楊華官

郎小字華官，沈文愬公字
曰澧蘭。

一曲歌成楊白花，生男從此重楊家。泥金替寫坤
靈扇，當作三生繫臂紗。幽情真個澧蘭如，前輩標題

字豈虛檢點侍兒小名錄，不禁腸斷沈尚書。美如任
育兼看影，清比第郎似有香。禁得風前訴幽咽，華清閣
下詠霓裳。方長 殿

三月六日作有序

金姬小妹鳳齡，鸞昌門爲女奴。余贖歸之年纔
十四，巧笑流麗有依姊而終焉之志。余老矣，不欲爲
枯楊之梯，爲擇少年郎嫁之。臨行泣下，余不能無情，
乃作是詩。

香山那忍遺楊枝也，惜燈前十日思。紅杏太嬌春
色小，白頭如許夕陽知。比肩美玉看原好，入手明珠去
恰悲。寂寞蕭蕭背花坐，避他含淚上車時。

移竹

移取琅玕三五枝，半遮樓閣半臨池。佳人倚袖寒
猶薄，高士遷家醉不知。要識虛心隨處好，莫於晚節出
山遲。滿湘帝子淇園客，忽捲疎簾某在斯。第三句一作碧

驚掉尾絮先到

乞花

但見紅妝意便傾，狂言忽發紫雲驚。鶯啼樹上非
無主，春在人家倍有情。解語定教回面笑，聞香先自出
門迎。平生風骨峻嶒甚，每到低頭總爲卿。

前二首學士盧公課十題也，嫌諸生
詩於移乞二字未甚刻劃，見余此作
曰：「老阿婆壓到少年矣。」乃重賦兩章，
博馮婦下車之笑。

柯亭昨夜雨淒淒，閒倚闌干待鳳兮。無物可醫人
世俗，有君便覺女牆低。龍孫族大分宜早，玉笋班新立
不齊。可奈山風欺乍到，一竿吹仄杏花西。修竹 假紅
倚翠久踟躕，忽唱丁娘十索歌。擬欲分香學韓壽，轉將
割愛勸維摩。春非買得開應少，物是求來醵更多。灑掃
園林安置酒，待他蜂蝶也奔波。之花

盧學士書來乞花盧壬申殿試第三人也寄詩調之盧亦余戊午同年

一紙瑤華芳訊通，探花郎作乞花翁。關心蕊榜人猶在，回首瓊林夢已空。難得衰年同臭味，願將小草贈東風。只愁桃李門牆滿，未必殘春在眼中。

有恨

老夫最識花情性，折得花先贈少年。豈料將花投苦海，不如拋擲路旁邊。

續胡雲坡觀察貽封嫂氏奏疏有作

唐代韓侍郎，爲嫂服制期，其禮以義起，相傳古所希。峨峨觀察公，行事遠相師，奮乎百世下，高風冠等夷。身膺三品封，愼然有所思，揮淚草奏章，九拜陳丹墀。曰：「臣有寡嫂，撫臣如母慈，臣生而孤露，遭家不造時，椿萱相繼亡，棠棣先後摧，千鈞懸寸髮，一嫂一孤兒，兒未

落黜齒，嫂爲哺啜糜。兒裁脫文葆，嫂爲製裳衣，馬鬣嫂爲封，蘋蘩嫂爲尸。傳經嫂辟呵，授室嫂扶持。倘無臣嫂，在臣身不可知。臣今逢覃恩，乞爲嫂氏貽例，雖格外破恩，從天上施。」聖主聞惻然，不復廷臣咨。特詔如公請，黃封旁午馳，頃刻紫泥章，煌煌奉表垂。行人過之嘆，閭里賀者竄，嬌媚喜相告，茹荼如甘飴。百姓興於仁，孤稚咸嬉嬉。從前旌節孝，綽楔施門楣。於今封命婦，緯翟耀宗祠。賤子讀公疏，涕下如綆靡。感觸天人理，爲公前致詞。周易六十卦，盈虛消長機，積善有餘慶，事難旦夕期。苦節終乃甘，理不差毫釐，而況非常恩，必有所自基。水非源不流，木非根不滋，在昔宗伯公，易學探深微。上殿講河洛，屢領先皇顧，甘盤雖舊學，伏生已年衰。惟其畜者厚，是以發之遲。天將生我公，先生嫂撫之。在嫂非望報，盡其分當爲。在公非沽名，行其心所宜。懿哉盛德事，相映彌光輝。願公持此心，卽以佐明治。推廣一家仁，遠爲萬民貽。潛德闡其光，孤寡拯其危。會見鼎鑊業，千秋仰巍巍。」

哭聰娘

曾以專房受重名，一朝緣盡夜三更。少姜不作旁
妻待，長妾原兼舊雨情。難向空王問因果，早知薄福是
聰明。章郎兩鬢衰如許，就使重逢已隔生。記得歌成
陌上桑，羅敷身許嫁王昌。雙棲吳苑三秋月，並走秦關
萬里霜。愛是手調纔有味，話無心曲不同商。如何二十
多年事，只抵春宵一步長。巫山雲影竟銷沉，神女遺
蹤尚可尋。侍疾不教衣帶緩，看書常伴燭花深。諸姬學
禮推前輩，中饋參謀費苦心。爭奈妙蓮花少子，半生枯
坐淚淫淫。無端骨瘦似香桃，霜裏紅蘭質易凋。鏡
自知無藥救，呼巫還望有魂招。零星簪珥生前散，約略
容顏病後描。千遍叮嚀萬回囑，莫教孤冢草蕭蕭。求附

郭先榮一側

楊州秋聲館卽事寄江鶴亭方伯兼 簡汪獻西

白門遊子醉華筵，五月邗江細雨天。難得風人招
酒十萬花叢裏，小遊仙。梨園人喚大排當，流管清絲
韻最長。剛試翰林新製曲，依稀商女唱滄陽。召生太史自
製秋江一闋演白話故事。惠郎嬌小影伶仃，嚦嚦歌喉隔
畫屏。好似流鶯囀高樹，不教人近只教聽。雲鬟婀娜
繡裙斜，素手彈箏客不譁。一個吳娘風調好，當他二十
四橋花。後堂雜戲影橫陳，顰眉顰顰顰。伎更新，記得空
空傳妙手，幻人原是女兒身。首坐開元白髮翁，涉江
無路采芙蓉。多情幸有汪倫在，代指巫山十二峯。雌
雄風急夕陽遲，未聽秋聲鬢已絲。露下櫻桃燈下柳，教
人各自惹相思。回首青山隔岸湖，一雙蘭棹送歸橈。
班班衣上香痕滿，都是揚州酒未消。

聞魚門吏部充四庫館纂修喜寄以 詩

文思天子搜遺書，子以文名領石渠。士安不用借
五車，嫺嫺福地張華居。憶昔蛩蛩附蛇虛，兩家簡牘爭

搜儲愛而不見心瞿瞿，一朝去我翔天都。明堂大開招羣儒，青藜太乙從從趨。四千年物盡輓輸，朱文綠字體製殊。龍威玉牒元皇符漢唐，所少元明無咸集。蟪蛄來堯，衛西山光芒燭太虛。子與蘭亭諸大夫，雙眸一串牟尼珠。部居別白分錯鉢，縱難讀盡在須臾。但觀大略亦足娛，有如餓腹餐天廚。朵頤未動口欲吟，又如大海遊鱣魚。恣汝屬饜樂有餘，問誰有此遭逢歟。領百萬軍恐不如，我猶未免爲鄉愚。聞見狹隘探玄疎，側身西望空嗟吁。不能從子爲書奴，但願抄其目寄予。俾得約略知些須，此身不負生唐虞。

雜書三絕句

鷺鷥立釣磯，獨自理毛衣。緩步向前去，試他飛不飛。
秋星淡孤燈，霜葉下涼雨。萬籟寂無聲，磳繯一蟲。
半夜忽驚醒，無言心自嘆。今宵霜降矣，忘却護幽蘭。

自贈

一個飄蕭桑梓翁，焚香掃地住牆東。有花招客身難隱；無力圍牆盡盡空。不飲已經成半士，養親兼可傲三公。只愁朝夕編摩慣，書卷如兒要送終。

箴作詩者

倚馬休夸速藝佳，相如終竟壓鄒枚。物須見少方爲貴；詩到能遲轉是才。清角聲高非易奏，優曇花好不輕開。須知極樂神仙境，修煉多從苦處來。

節母詩爲淮安陶太守作有序

太守名易，文登人。母呂氏，寡居，易以從子嗣家。故貧也，冒雪採薪，爲枯枿所狀，指血涔涔然。夜輒熨手魁，誘易讀書。易貴後，狀其事索詩。

東海慈雲拂絳紗，長沙太尉舊人家。恐將銀管千枝筆，難寫靈萱一樹花。黃鸝飛飛翼早乖，楊嬋爭不赴泉臺。螟蛉栽培尊章老，了却君家事再來。烏啼月落夜窗空，親授兒書讀未終。試看採薪風雪裏，阿娘手

爪爲誰紅？隣家聞有賣兒人，施與裙釵替贖身。誰道
梅花風骨冷？一重冰雪一重春。兒今五馬領淮南，望
見鴛鴦淚便含。記得當年煨繡火，膝前賜與十分甘。
風詩唱徧魯陶嬰，天上金章幾度旌。寄語世間諸母氏，
佳兒不必自家生。

和南浦太守產鶴詩

聞說生雛鶴，亭亭畫檻東。似添兒女累，長使稻梁
空。浴羽憐初白，銜花弄小紅。遙知翁與子，對舞一天風。
仙種君家度，君詩分外清。乘軒夸兩代，收箭記三生。喬
梓高低映，鸞凰大小鳴。黃堂真綠野，一片九皋聲。

以錦雞贈鶴主人繫之以詩

山雞棲惜舊山梁，忽把雕籠獻畫堂。怕向荒村藏
錦繡，教陪太守耀文章。臨行代刷新毛羽，入座休驚小
鳳凰。寄語羊公諸鶴伴，朋來自遠莫參商。

九月十七日蕉泉觀察招同人賞菊 分得七古一體

蕉泉先生事事雅，手握菊花秋滿把。替花作主招
酒人，也須人淡如花者。捲起湘簾錦作堆，黃雲紫雪何
葳蕤。花密不妨人亦密，九客圍圍坐打圍。高燒銀燭將
花照，人影花容同一笑。水近秦淮，氣自清風來小苑香。
尤妙。先生嘉肴疊疊陳，甘脆不數仙家珍。齒決未終頤
又朵，一時忙殺餐英人。陳郎十七美無比，分明月桂小
兒子。郎父名桂佳。人兩代貌依然，賤子傷心吾老矣。街
鼓琴琴漏漸長，月華照見車上霜。我辭花出向花語，願
與先生同晚香。

題王嶠谷明府秋林遺照

壬申歲五月，余遊華嶽山。道逢王夫子，新交如古
歡。遇險輒相扶，逢奇必共嘆。君至青柯坪，崎嶇怯路難。
余勇上二里，亦復日崖還。出所覘鵬臚，佐我盤中餐。
宿華陰，暑張飲重盤桓。嗚呼二十年，春夢久闌珊。何圖
夫子容，重向畫中看。呼之如欲出，卽之骨已寒。老淚不
能忍，落紙先斑斑。畫中何所有？湘水三間屋。疎簾乍

捲開萬木一齊綠。先生梯几坐，攜書此中讀。聽鶴唳烟
霄，呼童理花竹。如此十年餘，娛老亦已足。人言君達者，
勇退返初服。我道君循吏，賢者而後樂。非有黃勳，雖
享林泉福。請觀世公卿，誰能遂此欲？生前一見緣，前
生必有以。死後一見緣，賴君有賢子。公子抱異才，觥觥
有文理。醫術奏彤廷，上方賜文綺。偶作白下遊，遠棹長
江水。抱圖索我題，誦執子姓禮。知君在泉臺，聞之心必
喜。不喜賤子名，得留君紙尾。喜昔華山朋，依舊相扶倚。
他日九原逢，一笑可知矣。

黃昏

深春客散掩柴門，覓句閒行綠淨軒。夕照已沉燈
未上，最無聊賴是黃昏。

古牆

古牆庭院角，經歲樹陰遮。幽絕無人見，青苔作小
花。

雨花臺懷古

大梁皇帝講經坐，三十六天雨花墮。無遮大會萬
萬場，斷髮焚身舉國狂。羣臣彌月亡所天，迎鑾三到蒲
團邊。皇帝贖身身價貴，一百萬億青銅錢。麤作犧牲供
寢廟，衣裳不剪飛禽貌。可惜慈航度跛奴，滿殿血流僧
不埒。一聲鐘打六朝空，青蓋黃旗盡捲風。單于宮與昭
陽殿，同在寒流滅沒中。

小倉山房詩集 卷二十四 甲午乙未

錢唐袁枚子才

新正七日孔南溪太守來隨園卽事
有贈

春正東風柳正含，故人五馬忽停驂。關心宦海尋
舊，屈指晨星只二三。九十慈親扶杖見，兩行稚女學
庭參。同年直用家人禮，蕉味從來老最甘。山裏房櫺
九曲成，番把手更同行。穿林白髮烟中語，帶雪紅梅
水上迎。清福偶然歸小隱，交情如此亦前生。別君未盡
思君意，聽我胥江打槳聲。

題陶太守東井品泉圖

晉之士，五施平。晉之泉，冽以清。無人能取之，往往
羈其瓶。一解。東方千騎忽來陶，君授舍與氓童冠如雲。
執經問難簇簇相看，君爲辟咄舌燥唇乾。二解。乃取著

筵，得卦之井。曰：伯益所作，利民最永。鑿之扣之，勿短其
經。三解。一朝窮源萬斛滂然，且甘且鮮，照影跼蹐者唐
人水部，三億三萬三千無此一泉。四解。蟠踞父老，楚散
行汲，粲粲門童，淳至講習。高梧之旁，碧峯之側，牽繩者
僂，耆茗者啜。民曰：「聖水。」士曰：「教澤。」五解。昔有
東先生，請天三日甘雨，零今有陶刺史，掘地七丈得泉。
水千秋兩賢人，先後濟其美。六解。口傳懼訛，碑鑄懼磨，
民愛云何？爰繪井圖，君子作歌。七解。

同桂郎尋春儀徵泊丹燕子磯有懷
熊蕉泉觀察賦詩却寄

六十明年屆，三春敢不遊。閒情拾芳草，打槳下真
州。柳絮風初軟，桃花水亂流。日長人渡緩，蕭寺且勾留。
小字桂枝仙，錢郎劇可憐。肯歌周史曲，同泛鄂君船。挽

手勝扶杖吹簫屢拍肩。妙蓮花不染。恰是並頭眠。燕子磯邊泊。黃公罇下過。摩挲舊碑碣。惆悵此山阿。山有尹文端公勒石詩。短鬢儲儲雪。長天渺渺波。江神如識我。應送好風多。同年交文適公自言爲燕子磯水神。江左熊徵察當今白傅才。別來纔兩日。相憶已千回。步月筇應健。看花眼可開。公病後足跛目盲矣。瑤華託誰寄。仍遣玉人來。信託桂郎帶回。

蘇州彭芝亭大司馬招飲西園奉呈

三首

神仙丰骨鶴精神。天遣長扶大雅輪。七十高年雙黑鬢。兩朝元老一詩人。亭臺點綴昇平景。魚鳥追隨獨樂身。閒倚雕欄思往事。百花頭上有餘春。公丁未第一人。乞身疏廣。久懸車。聖主頻頻問起居。立雪公卿千里至。趨庭仙佛一家俱。公次子官侍讀。四子奉佛。龍門高比諸天上。鉛槧勤於未仕初。聽說鄉鄰齊側耳。書聲夜夜老尙書。野人弱冠識歐陽。彈指於今四十霜。學禮早從

周太史。渡江先拜魯靈光。受知貧賤恩尤重。共隱林泉味更長。願借西園一杯酒。後生前輩話滄桑。

寒山觀瀑布旁有少年奇雅郭姓名
淳字元會吳下諸生也談久誤易其
扇歸次日見訪乃題兩絕句而還之
乾隆甲午三月十九日

流水聲中間姓名。寒山影裏序平生。多君玉立亭亭態。可是東京郭子橫。取看執扇置懷中。忘却歸還彼此同。搖向花前應一笑。少男風換老人風。

四月四日保礪堂朱立齋兩參戎常
東湖楊鏡村兩明府相約看花雨阻
不至戲寄二首兼贈芝仙校書

誰挽銀河種玉蓮。橫塘一路水如烟。小車迎得靈妃步。不是雲仙是雨仙。孤負蕭齋酒一卮。將軍令尹盡來遲。如何舉世看花眼。不看人間第一枝。

留別南溪太守

年年吳下往來頻，此日登車屢看身。分手漸難垂
淚易，大家都是六旬人。平生筆墨等塗鴉，底事知音
有伯才。千幅魚箋書不了，教儂手腕脫君家。斯人風
骨最峻嶒，霜肅南衙冷似冰。爲款三生狂柱，幾宵花
影漾紅燈。愛屋由來更及烏，金錢頻賜到輿夫。問君
一勺廉泉水，除我曾分別客無。已投車轄井闌邊，更
熱驪駒薄暮天。臨去故人如落月，得留一刻也欣然。
十年不召老淮陽，宦海升沉莫慨慷。一個蘇州韋太守，
至今名姓壓侯王。

桂郎歸後是夕客寓憮然不能成寐

春未歸時花已歸，落花那識晚春悲。分明一樣燈
前坐，斗覺寒生恰爲誰。浮生聚散苦情多，五日纏綿
奈汝何。今夜江城月如雪，玉人何處一聲歌。

吳門返棹曹郎玉田傲桂生故事送余京口

不肯離花過一宵，花迎花送兩回潮。桂枝月下香

才謝，玉樹風前影又飄。何必吳娘夸打槳，但逢子晉便
吹簫。笑儂雅抱生春手，到處鸞絃結斷膠。

輓太傅錢香樹先生

卿雲舒卷自丹青，魯殿靈光影忽凋。無復東南稱
二老，有誰簪笏歷三朝。爽鳩早正秋官席，威鳳仍廚虞
帝簫。此日哀榮人世畢，海天兜率更逍遙。未老先懸
七十車，江湖魏闕意何如。密修寒則祥刑疏，不上公羊
斷獄書。風貌九重圖影後，溪山一片晚香餘。傷心蓬島
騎鯨去，天語猶聞問起居。百年大雅獨扶輪，筆下龍
蛇紙上春。一品集成傳海內，五湖花好稱吟身。朝無燕
許傷前輩，豈有草平壓後人。想歷恆河千萬劫，鶴歸華
表尙精神。記泛扁舟碧海東，自提行笈學登龍。九河
不棄蹄涔水，一面曾欽泰華峯。看相望君新筆墨，聽談
仁廟舊儀容。而今回首都成夢，又隔人天萬萬重。

牡丹花絕少並頭者，眞州吳園忽有此。三月八日副使張東臬招同賞
宴，爲倡公謙詩一章而別贈花三絕。

尋春古真州，無春雙月閉。春恰知我來，開花比常異。賢哉張大夫，指我看花地。追尋辟疆園，遍歷維摩寺。車小穿林幽，草深得路細。果然風姑花，雙開色奇麗。其旁仙種多，環立擁霞帔。送客出紅雲，分香入酒氣。昔聞韓魏公，金帶表花瑞。君今宰相家，花也如相示。兒女合歡心，陰陽調變意。遠鐘一以鳴，嘉賓亦既醉。我呼東下舟，不借南衙騎。如別華鬢天，惜惜下塵世。人花兩難忘，作詩當作記。

並頭牡丹詩

兩枝春作一枝紅，春似生心關化工。遠望恰疑花變相，鴛鴦閒倚采雲中。讀罷清平三首詩，此花猶未解相思。想因移種長生殿，便學人間連理枝。各抱芳心兩不降，飛來蝴蝶也成雙。老夫根觸團圓夢，底事單身又渡江。

秦准小集招揚州女校書王氏爲藍公子醉飲越三日公子入山問卜妾故事方知彼妹已登簋室豔此遭際各賦催妝

邗上女兒白袷衣，青溪公子踏青歸。相逢一笑偶然事，頃刻落花天上飛。家本瑯琊大道王，一雙眸子截秋光。比肩不笑妾身短，挽手愈憐郎意長。校書彩機二尺許，折柳何須問舊條。小星婚禮要人教，開箱乞與官奴帖。筆筆泥金照樣抄，淮水盈盈綠正酣。兩家同住板橋南，桃根迎接開門是，不待終朝已采藍。十三樓事久蹉跎，冷落尙書却扇歌。今日瓣香郎努力，有人想作小橫波。風月平章老去身，年來著手便成春。只緣遊得天台倦，看見桃花指向人。

吳下歌郎吳文安，陸才官供奉大內。已有年矣今春爲葬親，故乞假南歸相遇虎邱略說天上光景。且云此會又了一生余亦惘惘情深淒然成咏。

宜春苑裏歸來客，三十年前識面多。絕代何都白髮，貞元朝士更如何。握手臨歧話再逢，淚痕吹下